

STATUTI I SHOQËRISË TREGTARE
"INFINITY DESIGN" sh.p.k

Sot, më datë 08.09.2025 (dymijë e njëzetë e pesë), nga Ortaket Themelues:

1. **Hasan Golve** i biri i Ilyas-it, lindur me 27.05.1998, ne Beyoglu, Turqi, me banim **Rr. "Ismail Qemali"**, Pall Samos Tower, Kt. 5, Ap. 27, Tiranë, i pajisur me pasaporte me nr. personal 10064536476 madhorë me zotësi të plotë juridike dhe për të vepruar.
2. **Gorkem Aksu** i biri i Kadir-it, lindur me 14.05.1998, ne Fatih, Turqi, me banim **Rr. "Ismail Qemali"**, Pall Samos Tower, Kt. 5, Ap. 27, Tiranë, i pajisur me pasaporte me nr. personal 38099185216 madhorë me zotësi të plotë juridike dhe për të vepruar.

Madhorë dhe me zotësi të plotë juridike e për të vepruar vendosi miratimin e këtij Statuti me terma si më poshtë:

DISPOZITA TË PËRGJITHSHME

Shoqëria Tregtare **"INFINITY DESIGN" sh.p.k** rregullon pozitën e saj juridike, marrëdhëniet e themeluesve, të organeve të saj, llojin e Shoqërisë, kohëzgjatjen e veprimtarisë së saj, marrëdhëniet me të punësuarit, duke u bazuar në ligjin Nr. 9901, datë 14.04.2008 "Për Tregtarët dhe Shoqëritë Tregtare", i ndryshuar dhe dispozitat e tjera të legjislacionit Shqiptar në fuqi që rregullojnë marrëdhëniet e Shoqërive Tregtare, si dhe këtë statut.

Neni 1

Shoqëria gëzon të drejta dhe fiton personalitet si person juridik, që prej datës në të cilën kryhet regjistrimi i saj në Qendrën Kombëtare të Biznesit (QKB).

Neni 2

Forma e shoqërisë

Shoqëria do të ketë formën e shoqërisë me përgjegjësi të kufizuar.

Kjo shoqëri e këtij lloji do të përballojë humbjet e saj deri në vlerën e kapitalit themeltar të saj të paraqitur në këtë statut.

Neni 3

Emërtimi tregtar

Emri tregtar i Shoqërisë është **"INFINITY DESIGN" sh.p.k**

Neni 4

Selia Shoqërisë

Zyra qendrore e shoqërisë do të jetë në adresën: **Rr. "Ismail Qemali"**, Pall Samos Tower, Kt. 5, Ap. 27, Tiranë.



Me vendim të Asamblesë se Ortakeve kjo zyrë e shoqërisë mund të ndryshohet, të hapen filiale dhe përfaqësi të saj brenda dhe jashtë Shqipërisë.

Neni 5

Objekti i veprimtarisë

Objekti i veprimtarisë se shoqërisë do të jetë por jo të kufizohet në aktivitetet e mëposhtme:

1. Shoqëria mund të kryejë çdo aktivitet tregtar të lejuar me ligj në Republikën e Shqipërisë; veprimtari në fushën dizenjimit grafik, dizenjimit editorial, dizenjimit të markave dhe amablazhimeve, dizenjimit në sektorin e prodhimit të reklamave si (logo, video, tipografi ose logotip) brenda dhe jashtë vendit.
2. Shoqëria do të realizojë: Tregtimin import-eksportin me shumice e pakice, të gjitha mallrave me ose pa akcize, blerjen dhe dhenien me qera të automjeteve të ndryshme.

Objekti i shoqërisë mund të plotësohet e modifikohet në çdo kohë me miratimin e Asamblesë se Ortakëve në përputhje me ligjet në fuqi. Shoqëria mund të marrë pjesë në shoqëri të tjera që kanë objekt të ngjashëm me të.

Neni 6

Kohëzgjatja

Kohëzgjatja e shoqërisë është e pacaktuar dhe fillon nga data e regjistrimit në Qendrën Kombëtare të Biznesit (QKB).

Neni 7

Kapitali Themeltar i Shoqërisë

Kapitali themeltar i shoqërisë do të jetë i përbërë nga kontributi i ortakut themelues të kësaj Shoqërie, në vlerën 100.000, (njëqind mijë) Lekë, i përbërë në 2 (dy) kuota.

Kuotat e kapitalit themeltar të shoqërisë janë të ndara si më poshtë:

Nr	Emri, Mbiemri/ Person Fizik/Juridik	% që disponon	Kuotat që disponon
1	Hasan Golve	50 %	1
2	Gorkem Aksu	50 %	1

Ky kapital është i ndarë në 2 (dy) kuota. Kuotat e kapitalit themeltar janë lirisht të transferueshme ndërmjet ortakëve. Kuotat e kapitalit themeltar mund t'u transferohen personave të tretë që nuk bëjnë pjesë në shoqëri, pasi të marrin miratimin e ortakëve të tjerë të shoqërisë, duke respektuar të drejtën e parablerjes, kur transferimi bëhet me anë të shitjes.



Neni 8

Asambleja e Përgjithshme

Vendimet merren nga Asambleja e Përgjithshme e Ortakëve ne mbledhjet e tyre përkatëse. Ortakët lajmërohen me shkresë, të paktën 7 ditë përpara mbledhjes së Asamblesë. Njoftimi duhet të përmbajë: ditën, orën, vendin ku do të mbahet mbledhja; si dhe rendin e ditës.

Lajmërimi bëhet nga administratori ose në mungesë të tij nga një apo disa ortakë që përfaqësojnë të paktën 5 % të kuotave të kapitalit themeltar nëpërmjet kërkesës me shkrim drejtuar administratorit. Ne rast se Administratori refuzon apo nuk fillon procedurën për thirrjen e Asamblesë se Ortakeve, ortaku/ortaket qe kane kërkuar mbajtjen e asamblesë, mund te bëjnë vete lajmërimin e ortakeve te tjerë, duke respektuar procedurat e parashikuara ne këtë nen.

Asambleja e Përgjithshme e thirrur në mënyrë të parregullt, mund te marre vendime te vlefshme, vetëm nëse te gjithë ortakët janë dakord për te marre vendime pavarësisht parregullsisë se njoftimit.

Asambleja e ortakëve duhet të thirret të paktën një herë në vit, brenda tre muajve nga mbyllja e periudhës ushtrimore apo sipas rasteve te parashikuara ne ligj. Mbledhjet mbahen në selinë e shoqërisë, apo edhe në një vend tjetër, i cili u bëhet i ditur paraprakisht ortakëve.

Në mbledhjet e Asamblesë vendimet merren me shumicën e votave te ortakeve pjesëmarrës, me përjashtim te rasteve kur parashikohet ndryshe ne ligjin "Për Tregtaret dhe shoqëritë tregtare".

Në rast se Asambleja e Përgjithshme do të vendosë për:

- 1- Ndryshimin e statutit;
- 2- zmadhimin, apo zvogëlimin e kapitalit;
- 3- të kaluar në likuidim të parakohshëm shoqërinë, ose për të zgjatur afatin.
- 4- shpërndarjen e fitimeve.

Atëherë vendimet merren nga ortakët që përfaqësojnë të paktën tre të katërtat e kuotave të kapitalit themeltar.

Çdo ortak ka të drejtë të marrë pjesë në vendime dhe disponon një numër votash të barabartë me kuotat dhe vlerën e kapitalit themeltar që ai zotëron.

Te drejtat e Asamblesë së Përgjithshme te Ortakëve do të ushtrohen bashkërisht nga të gjithë Ortakët.

Neni 9

Kompetencat e Asamblesë

Asambleja e Përgjithshme e Ortakëve është kompetente për marrjen e vendimeve për shoqërinë ne lidhje me çështjet e mëposhtme:



- Te përcaktoje politikat tregtare te shoqërisë;
- Të vendosë për kryerjen e kontroll-revizionit financiar të shoqërisë me ekspertë të caktuar prej tij;
- Te vendose për zmadhimin dhe zvogëlimin e kapitalit
- Te vendose për riorganizimin dhe prishjen e shoqërisë
- Të ushtrojë të drejta të tjera që parashikohen në ligjin Nr. 9901, dt. 14.04.2008 "Për tregtarët dhe shoqëritë tregtare".

Neni 10

Administrimi i shoqërisë

Shoqëria administrohet nga një administrator i zgjedhur nga Asambleja e Përgjithshme. Administrator i pare i shoqërisë do të jetë, **Z. Hasan Golve**. Afati i ushtrimit të detyrës nga administratori është 5 vjet me te drejte ripërtëritje. Detyra e administratorit përfundon me mbarimin e afatit 5 vjeçar, nëpërmjet shkarkimit me vendim te ortakeve qe përfaqësojnë me tepër se gjysmën e pjesës se kapitalit themeltar, kur vete administratori jep dorëheqjen vullnetarisht. Nga momenti i mbarimit te mandatit, shkarkimit, apo dorëheqjes administratori i vjetër do vazhdoje te përfaqësoje shoqërinë deri ne emërimin e administratorit te ri, por pa te drejte te kryeje veprime tregtare.

Neni 11

Të drejtat dhe detyrimet e Administratorit

- Kryen te gjitha veprimet e administrimit te veprimtarisë tregtare te shoqërisë duke zbatuar politikat tregtare te vendosura nga asambleja e përgjithshme;
- Administratori ka të gjitha kompetencat për të vepruar në emër të shoqërisë, në të gjitha rrethanat me përjashtim të kompetencave që ligji ua kufizon atyre apo iu jep shprehimisht ortakëve;
- Të emërojë dhe të shkarkojë nga puna punëmarrësit e shoqërisë.
- Të japë urdhra dhe udhëzime punëmarrësve dhe të vendosë sanksione ndaj tyre, në përputhje me kontratat e punës dhe rregulloret e brendshme të shoqërisë;
- Administratori duhet të drejtojë e të organizojë punën në mënyrë të tillë që të sigurojë suksesin e shoqërisë në veprimtarinë e saj ekonomiko-financiare;
- Te raportoje para Asamblesë se Përgjithshme ne lidhje me zbatimin e politikave tregtare dhe me realizimin e veprimeve te posaçme me rendësi te veçante për veprimtarinë e shoqërisë tregtare.
- Të zbatojë vendimet e marra nga Asambleja e Përgjithshme, të dhëna brenda kompetencave të përcaktuara nga statuti i shoqërisë dhe legjislacioni në fuqi;
- T'i paraqesë në mënyrë të rregullt Asamblesë së Përgjithshme, raportin e administrimit, inventarit, bilancit dhe llogaritë vjetore brenda një afati prej gjashtë muajsh duke filluar nga data e mbylljes së vitit financiar;
- Administratori ka të drejta dhe detyrime të tjera të përcaktuara nga ligji Nr. 9901, dt. 14.04.2008 "Për tregtarët dhe shoqëritë tregtare".
- Administratori është përgjegjës ndaj shoqërisë ose ndaj të tretëve, për shkelje të ligjit dhe statutit dhe për faje të kryera gjatë administrimit.



- Përfaqësimin e shoqërisë përpara organeve administrative, gjyqësore ose të tretëve, e realizon administratori personalisht ose nëpërmjet autorizimit të lëshuar nga ai. Në rast pengesash, si sëmundje, aksidente, udhëtime etj, administratori ka të drejtë të autorizojë një person tjetër për përfaqësimin dhe administrimin e shoqërisë.

Neni 12

Viti Financiar

Veprimet financiare mbyllen më 31 dhjetor të çdo viti. Administratori merr masa mbi nxjerrjen e bilancit të formuluar bazuar në ligjit mbi kontabilitetin. Është kompetencë e Asamblesë së Përgjithshme të vendosë për krijimin e fondeve nga të ardhurat neto si dhe përdorimin e tyre.

Neni 13

Mbarimi i Shoqërisë

Duke qenë se në çdo kohë për motive të ndryshme shoqëria mund të ndodhet përballë shpërbërjes, Asambleja e Përgjithshme vendos për mënyrën e likuidimit të saj, në bazë të ligjeve në fuqi.

Neni 14

Dispozitat përfundimtare

Për çështje që nuk parashikohen dhe rregullohen nga ky statut vlejnë dispozitat e ligjit Nr. 9901, dt. 14.04.2008 "Për tregtarët dhe shoqëritë tregtare", pjesa e parë mbi "Dispozitat e Përgjithshme", pjesa e katërt për "Shoqëritë me Përgjegjësi të Kufizuar" si dhe aktet ligjore që rregullojnë këtë veprimtari.

Statuti u hartua në 2 (dy) kopje, me vlerë të njëjtë juridike për t'u administruar në baze të ligjit, një kopje për t'u dorëzuar në Qendrën Kombëtare të Biznesit dhe dy kopje mbeten në dokumentacionin bazë të shoqërisë.

Me datë 22.08.2025, në Tiranë, ky statut u hartua dhe u nënshkrua, me vullnetin e lirë e të plote të Ortakut të vetëm që përfaqëson totalin e kuotave të kapitali themeltar, nga ortaku Caner Pomak në përputhje me Ligjin Nr. 9901, datë 14.04.2008, të ndryshuar dhe Nenin 43 të Ligjit nr. 9723 datë 03.05.2007 "Për Qendrën Kombëtare të Regjistrimit" në 3 kopje në gjuhën shqipe, me vlerë të njëjtë ligjore.

ORTAKET E SHOQERISE

Ortaku
Hasan Golve

Ortaku
Gorkem Aksu

Perfaqesuar me prokure nga ;

Av. Korab Cani



Korab Cani